



colorchecker CLASSIC



x-rite




11950


1850

1850


1850

1850









~~478~~

n^o 479

Table des matières
contenuës en ce volume

- 1^o Ordo processionis quæ fit
Ierosolymis in Ecclesiâ
N^o Sepulchri post completorium
- 2^o Processio celebranda post
completorium in Bethleem
ad præsepe Christi
- 3^o Nova recuperatio Nazareth
Ecclesiæ pp^o Thomam a Souaria
- 4^o Entrée redemptive du Temple
Divi Joannis Baptiste

PROCESSIO

Celebranda, quæque die post
Completorium:

AD SANCTISSIMUM

Nascentis Christi Præsepe ;
in Betlehem Iudæ Ciuitate
DAVID.



VENETIIS, M DC XXIII.

Apud Misserinum. Superiorum Permissu.

PROCESSIONE

Completorium
Celebranda, quod die post

AD SANCTISSIMUM

In Beate Ludovici Ordine
Nascentis Christi Purpure

DAVID.



VENETIIS, M DC XXIII.

Apud Iohannem. Superiorem. Petrus.

ILLVSTRISSIMO D. D.
HIERONYMO FOSCARENO

omnibus numeris vndiq; absolutissimo

FR. THOMAS A NOVARIA

Sacri Montis Sion Guardianus: prospera
 quæq; præcatur, & optat.



*L*igua seruitutis mea sine cunctatione alacritas, qua te iam pridem Aleppi Syrorum Animo; consilio, fide, pietate, ac vigilantia, totoq; munere percolui Consulem: has tibi modo supplicationes in sincera, perpetuaq; obseruantia Symbolum dicare decreui, quantumuis es meritorum tuorum, que nulla vnquam delebit obliuio, in me excedat immensitas. Transeo tuum erga Religionem nostram Seraphicam (vt ex multis vnum attingam) Affectum; huc accedit in sancta illa Ierosolymorum loca, studium, gratiaq;

singularis. Hinc paupercula illa familia, Loca
 inhabitans nostra saluti sacra; pro tuo, tuæq;
 Illustrissima domus feliciori incremento;
 Diuinum Numen sollicitare non cessat. Hinc
 & Illustrissimi nominis tui memoriam, in vno
 ex precipuis Terra Sanctæ Sacranjs vigere
 volui, Sanctissimo scilicet nascentis Christi
 Præsepio: eò magis, quia D. Hieronymus meus
 apud Deum supplex: post innumeros inibi, im-
 mensosque per multorum Annorum spatia
 exantlatos labores, vitam illic tandem cum
 morte commutauit. Argumentum igitur hoc
 beneuolentiæ meæ, gratiæq; animi testimonium,
 quamuis egregijs animi tui dotibus maius de-
 beatur; equi, boniæq; consule: tuamq; nobis vo-
 luntatem conserua perpetuam. Vale.

Data Romæ, ex Conuentu nostro S. Petri
 Montis Aurei: ipsis Kalendis Martijs, Anno
 Reparata salutis supra millesimum, sexcente-
 simum, vigesimo tertio.

9
**PRO SANCTISSIMO
SACRAMENTO.**

Antiphona.

O Sacrum conuiuium, in quo Christus sumitur: recolitur memoria passionis eius, mens impletur gratia; & futurae gloriae nobis pignus datur, Alleluia. *V.* Panem de caelo praestitisti eis, Alleluia. *R.* Omne delectamentum in se habentem, Alleluia. **O** remus.

Deus, qui nobis sub Sacramento mirabili, passionis tuae memoriam reliquisti: tribue quaesumus, ita nos corporis, & sanguinis tui sacra mysteria venerari; ut redemptionis tuae fructum in nobis iugiter sentiamus: Qui uiuis, & regnas in saecula saeculorum. Amen.

Accensis candelis, fratres omnes ad Sanctissimum procedant locum, ubi Christus Dominus noster, de Virgine Maria nasci dignatus est deuotè cantando, Hymnum.



C Hri ste Re dem ptor om ni um,
Ex Patre, Patris vnice,
Solutus ante principium:
Natus ineffabiliter.

Tu lumen, tu splendor Patris,
 Tu spes perennis omnium,
 Intende quas fundunt preces
 Tui per orbem famuli.

Memento salutis auctor,
 Quod nostri quondam corporis,
 Ex illibata virgine
 Nascendo formam sumpseris.

*Sic dicitur
 extra
 dies
 Nati-
 uitatis
 Domini.*

Sic praesens testatur locus,
 Ad quem deuoti pergimus,
 Quod solus à sede Patris,
 Mundi salus adueneris.

Hunc caelum, terra, hunc mare,
 Hunc omne quod in eis est,
 Auctorem aduentus tui,
 Laudans exultat cantico.

Nos quoque, qui sancto tuo
 Redempti sanguine sumus;

*Extra
 Nati-
 uitatis
 dies.*


In loco Natalis tui,
 Hymnum nouum concinimus.

Gloria tibi Domine,
 Qui natus es de Virgine,
 Cum Patre, & sancto Spiritu,
 In sempiterna saecula. Amen.


Antiphona
**Diui Hieronymi in Epistola ad Marcellam, Pro
 loco Natiuitatis Domini, alternatim cantanda.**

Incipiunt

Incipiunt Cantores,



Betlehem ecce in hoc paruo terræ forami ne



coe lo rum Condi tor na tus est.

Et Repetitur idem à Choro.

Cantores.


Chorus.




Hic in uo lu tus pan nis Hic vi sus à Pas to ri bus.

Cantores.

Chorus.



Hic demõstratus à stella Hic ado ra tus à Magis.

Can-
to-
res.


Hic cecinerunt An ge li; Di cen tes



G lo ri a in Ex cel sis De o.

A 4 Alt.



Al le lu ia, Al le lu ia, Al le lu ia.

V. Hic notum fecit Dominus, Alleluia. **R.** Salutare suum, Alleluia. **O** remus.

P Ræsta quæsumus omnipotens Deus, vt natus hic Saluator mundi; sicut Diuinæ nobis generationiseft Auctor; ita & immortalitatis fit ipse largitor: Qui tecum viuuit, & regnat in sæcula sæculorum. Amen.

LITANIÆ BEATISSIMÆ

Virginis Mariæ.

K yrie eleif. C hriste eleif. K yrie eleif.	S ctā Virgo virginū, ora.
C hriste audi nos.	M ater Christi, ora.
C hriste exaudi nos.	M ater Diuinæ gratiæ, ora pro nobis.
P ater de cælis Deus, Misere nobis.	M ater purissima, ora.
F ili redemptor mundi Deus, Misere nob.	M ater Castissima, ora.
S piritus sancte Deus, Misere nobis.	M ater inuiolata, ora.
S ancta Trinitas vnus Deus, Misere nob.	M ater intemerata, ora.
S ancta Maria. Ora pro nobis.	M ater amabilis, ora.
	M ater admirabilis, ora.
	M ater Creatoris, ora.
	M ater Saluatoris, ora.
	V irgo prudētissima, ora
	V irgo Veneranda, ora.
	V irgo prædicanda, ora.

Virgo

Virgo potens, ora. **A**uxilium Christiano-
Virgo clemens, ora. rum, ora.
Virgo fidelis, ora. **R**egina Angelorū, ora.
Speculum iustitiæ, ora. **R**egina Patriarcha-
Sedes sapientiæ, ora. rum, ora.
Causa nostrę letitię, ora. **R**egina Prophetarū, ora.
Vas spirituale, ora. **R**egina Apostolorū, ora.
Vas honorabile, ora. **R**egina Martyrum, ora.
Vas insigne deuotio- **R**egina Cōfessorū, ora.
 nis, ora. **R**egina Virginum, ora.
Rosa Mystica, ora. **R**egina Sāctorum om-
Turris Dauidica, ora. nium, ora.
Turris Eburnea, ora. **A**gnus Dei, qui tollis
Domus Aurea, ora. peccata mundi, Par-
Fœderis Archa, ora. cenobis Domine.
Ianua Cœli, ora. **A**gnus Dei, qui tollis
Stella matutina, ora. peccata mundi, Exau-
Salus infirmorum, ora. di nos Domine.
Refugiū peccatorū, ora. **A**gnus Dei, qui tollis
Consolatrix afflicto- peccata mundi, Mi-
 rum, ora. serere nobis.
V. Post partū virgo inuiolata permansisti, **R**. Dei
 genitrix intercede pro nobis. **O**remus.
Deus, qui salutis æternæ, Beatæ Mariæ virgi-
 nitate foecūda, humano generi pręmia præ-
 stitisti; tribue q̄s, vt ipsam pro nobis intercede-
 re sentiamus, per quā meruimus auctorem vitæ
 suscipere Dñm nostrū, Iesum Christum, filiū tuū.

De

De Spiritu Sancto. Oratio.

DEus, qui corda fidelium sancti Spiritus illustratione docuisti, da nobis in eodem spiritu recta sapere; & de eius semper consolatione gaudere.

De Angelis. Oratio.

DEus, qui miro ordine Angelorum ministeria, hominumque dispensas; concede propitius, ut à quibus tibi ministrantibus in celo semper assistitur: ab his in terra vita nostra muniatur.

Pro vnione Christianorum Principum. Oratio.

DEus qui errata corrigis: & dispersa congregas, & congregata conseruas: quæsumus super Reges, & Principes Christianos tuæ vnionis gratiam clementer infundas, ut diuisione reiecta: vero Pastori Ecclesiæ tuæ se vnientes, tibi dignè valeant famulari.

Pro recuperatione Terræ Sanctæ. Oratio.

DEus, qui admirabili prouidentia tua cuncta disponis, te suppliciter exoramus: ut hæc terram, quam vnigenitus tuus proprio sanguine consecrauit; de manibus inimicorum cunctis eripias: & eam in Christiana Religione tuo nomini seruire concedas.

Pro Familia Terræ Sanctæ. Oratio.

DEfende quæsumus Dñe, Beata Maria semper virgine intercedente: istam ab omni aduersitate Familiã, & toto corde tibi prostratam: ab hostium propitius tuere clementer insidijs.

Pro Nauigantibus. Oratio.

Deus, qui transtulisti Patres nostros per Mare rubrum: & transuexisti eos per aquam himiniam, laudem tui nominis decantantes, te suppliciter deprecamur, vt in Naui famulostuos: repulsis aduersitatibus, portu semper optabili, cursuq; tranquillo tuearis.

Pro Peregrinis. Oratio.

Adesto, quæsumus Domine supplicationibus nostris: & viam Famulorum tuorum in salutis tuæ prosperitate dispone: vt inter omnes viæ, & vitæ huius varietates tuo semper protegantur auxilio.

COMMVNIS ORATIO.

Domine Iesu Christe, largitor gratiæ: & amator charitatis, qui nos orare docuisti, ad te nunc clamantes exaudi: & intercedente gloriosa Virgine Maria Matre tua, cum Beatis Apostolis tuis Petro, & Paulo, atq; Beato Francisco, & omnibus Sanctis: Cardinalem, nostri Seraphici Ordinis Protectorem: Ierosolymitanæ Ecclesiæ Patriarcham, Prælatos omnes; & Principes, Religionis nostræ Generalem, Sacri Montis Sion Guardianum, & cunctum populum Christianum ab omni aduersitate custodi: Loca Sancta nostra, nos famulos tuos: consanguineos: ac benefactores nostros, in omni sanctitate conserua: omnesq; peccatores à vitijs purga, virtutibus illustra, pa-

cem,

cem, & salutem eis tribue, hostes verò visibiles at-
 que inuisibiles, à nobis remoue, carnalia desideria
 repelle: Aërem salubrem, atque fertilem præsta,
 amicis, & inimicis nostris charitatem largire, at-
 que ciuitatetn istam sanctam ad cultum Christia-
 num conuerte, & nos ab omni peste, fame, & feri-
 tate inimicorum illæsos conserua, & omnibus Fi-
 delibus viujs, atque defunctis, in terra viuētium:
 vitam, & Requiem æternam concede: & benedi-
 ctio tua sit super nos semper: Qui viujs & regnas
 in sæcula sæculorum. Amen.

A D P R Æ S E P I V M.

Vbi Christus Reclinatus fuit. Hymnus.



Quando venit ergo factus
 Plenitudo temporis:
 Missus est ab arce Patris,
 Natus orbis conditor:
 Atque ventre virginali,
 Caro factus prodijt.
Vagit infans inter arcta,
 Conditus Præsepia:
 Membra pannis inuoluta,
 Virgo mater alligat,
 Et manus, pedesq; & crura,
 Stricta cingit fascia.

Gloria

Gloria & honor Deo
 Vſquequaque Altiffimo;
 Vna Patri: filioque,
 Inclito Paraclito:
 Cui laus eſt; & poteſtas,
 Per immenſa ſæcula. Amen.

Antiphona Maria autem, poſtquam peperiffet fili-
 um ſuum vnigenitum: pannis eum inuoluit; &
 reclinauit eum in hoc Præſepio, quia non erat ei
 locus in diuerſorio. **V.** Conſideraui opera tua, &
 expaui. **R.** In medio duorum animalium. **Q̄em.**

Domine Ieſu Chriſte, conſolatio pauperum,
 & humilium gloria, qui ad informadum cor-
 da noſtra, pauper in præſenti Diuerſorio, & humi-
 lis inter animalia, in hoc Præſepio apparere di-
 gnatus es: Præſta quaſumus, vt per hæc ſemper
 in terris gradientes, tandē in Cælis, æternæ mā-
 ſionis gaudia, inter Angelorū choros habere me-
 reamur. Qui cū Deo Patre, & Spū ſc̄to, viuis, &c.

Ad Altare Magorum. Antiphona.

Intrantes Magi hanc domū inuenerunt hic pue-
 rum, cum Maria matre eius; & procidentes, ado-
 rauerunt eum.

Hic osculentur terram,



Et apertis The ſau ris ſu is ob tu-

lerunt



le runt hic Ma gi Do mi no,



Au rum: thus & myrrham, Al le lu ia.

V. Reges tharlis, & insula, hic munera offerent,

R. Reges Arabum, & Saba dona adducent.

Oremus.

DEus qui in hoc paruo terra foramine, vni-
genitum tuum, Gentibus stella Duce reue-
lasti: concede propitius, vt qui iam te ex fide co-
gnouimus, vsque ad contemplandam speciem,
tua celsitudinis perducamur. Per eundem Chri-
stum Dominum nostrum. Amen.

Ad Altare Sancti Ioseph Virginis Sponsi.

Hymnus.



DAui dis Ioseph ge ne ro sa proles:

Vnicum vita specimen modesta;

Simplicis candor, Domino probate,

Sponse Mariæ.

Ad Bethlem Nympham comitatis almam:

Testis arcani, crederisq; Christi

Tu Pater: nomen promissum illi Iesu,
Post dies octo.

In via ductor, Memphide solamen:
Nazareth pascit superumque panem;
Pauperi diues: Dominus ministro
Subditur illi.

Gloria Patri, genitæque proli,
Et tibi compar utriusque semper
Spiritus alme, Deus vnus, omni
Tempore sæcli. Amen.

Antiphona. Cum esset desponsata mater Iesu
Maria Ioseph, antequam conuenirent, inuēta est
in utero habens de Spiritu sancto. **R.** Ioseph fili
Dauid, noli timere accipere Mariam coniugem tuam.
R. Quod enim in ea natum est, de Spiritu sancto
est. **Oremus.**

Sanctissimæ genitricis tuæ sponsi, quæsumus
Domine meritis adiuuemur, ut quod possibili-
tas nostra non obtinet: eius nobis intercessione
donetur. Qui uiuis, & regnas cum Deo Patre: in
sæcula sæculorum. Amen.

Ad sepulchrum S. S. Innocentium. Hymnus.



Sal ue te in flores Martyrum &
Quos lucis ipso in limine:
Christi infecutor sustulit;

Ceu turbo, nascentes rosas.
Vos prima Christi victima:
 Grex immolatorum tener;
 Aram antè ipsam simplices,
 Palma, & coronis luditis.

Gloria tibi Domine:
 Qui natus es de Virgine;
 Cum Patre, & sancto Spiritu,
 In sempiterna sæcula. Amen.

Antiphona. Innocentes, pro Christo, infantes occisi sunt: ab iniquo Rege lactentes interfecti sunt, ipsum sequuntur agnum sine macula, & dicunt semper: Gloria tibi Domine.

V. Herodes iratus occidit multos pueros:

R. In Berlehem Iudæ ciuitate Dauid. **Oremus.**

Deus, cuius hic præconium innocentes martyres non loquendo, sed moriendo confessi sunt: omnia in nobis vitiorum mala mortifica; vt fidem tuam, quam lingua nostra loquitur, etiam moribus vita fateatur. Per Christum Dominum nostrum. Amen.

Ad Oratorium S. Hieronymi. Hymnus.



Is t e Confessor Do mi ni : sa cra tus :
 Gesta plebs cuius celebrat per orbem;
 Quibus hinc latus meruit secreta,

Scandere coeli.

Qui pius, prudens, humilis, pudicus:

Sobrius, castus, fuit & quietus;

Vita dum praesens vegetauit eius,

Corporis artus.

ANTIPHONA.



O Doctor optime Ecclesiae



Sancte lumen Beate Hierony-



me Diuinae legis Amator de-



precare pro nobis Filium Dei.

V. Os iusti meditabitur sapientiam.

R. Et lingua eius loquetur iudicium.

Oremus.

Deus, qui Ecclesiae tuae in exponendis sacris
Scripturis: Beatum Hieronymum Confes-
sorem tuum, Doctorem maximum providere di-

gnatus

B

gnatus

gnatus es : præsta quæsumus : vt eius suffraganti-
bus meritis, quod ore simul, & opere docuit, te ad-
iuuante exercere valeamus. Per Christum Domi-
num nostrum.

Ad Sepulchrum S. Hieronymi. Hymnus.



AD Sacrum cuius Tumulum, frequenter
Membra languentum modo sanitati :
Quolibet modo fuerint grauata,
Restituuntur.

Vndè nunc noster chorus in honorem :
Ipsius hymnum canit hunc libenter ;
Vt pijs eius meritis iuuemur,
Omne per æuum.

Sit salus illi decus, atque virtus :
Qui supra cœli residens cacumen ;
Totius mundi machinam gubernat,
Trinus & vnus. Amen.

ANTIPHONA.



A ma uite um Dominus & or na uit

eum



e um stola glo riæ in du it e um



& ad portas pa ra di si coronauit e um.

V. Ora pronobis Beate Hieronyme.

R. Vt digni efficiamur promissionibus Christi.

Oremus.

Deus, qui per Beati Hieronymi miracula, Ec-
clesiam tuam multipliciter illustrasti; præ-
sta quæsumus; vt sicut hic eius tumulum deuotis
veneramur obsequijs, ita ipsius precibus, & meri-
tis, gaudijs perfruamur sempiternis. Per Chri-
stum Dominum nostrum. Amen.

Ad Sepulchrum SS. Paulæ, & Eustochij Virginis
eius filia. Antiphona.



Ist æ sunt spe cio sa in ter



fi li as Ie ru sa lem.

B 2 *V.* Ele-

V. Elegit eas Deus, & prælegit eas:
R. In tabernaculo suo habitare facit eas.

Oremus.

EXaudi nos Deus salutaris noster: vt sicut de beatæ Paulæ, & Eustochij virginis eius filie commemoratione gaudemus: ita piæ deuotionis erudiamur affectu. Per Christum Dominum nostrum. Amen.

**Ad Sepulchrum S. Eusebij Cremonensis, Abbat
 tis Betlehemitici, Antiphona.**



qui ædificauit domum suam supra petram.

V. Ora pro nobis beatæ Eusebij.
R. Vt digni efficiamur promissionibus Christi.

Oremus.

Intercessio nos quæsumus Domine, Beati Eusebij Abbatis commendet, vt quod nostris meritis non valemus: eius patrocinijs assequamur. Per Christum Dominum nostrum. Amen.

Ad

Ad Capellam Sanctæ Catharinæ.
Hymnus.



IE su co ro na vir gi num,

Quem mater illa concipit :

Quæ sola virgo parturi t ;

Hæc vota clemens accipe.

Qui pascis inter lilia,

Septus choreis virginum,

Sponsas decorans gloria,

Sponsisq; reddens præmia.

Quocumq; pergis, virgines

Sequntur, atq; laudibus

Post te canentes cursitant,

Hymnosq; dulces personant.

Te deprecamur lar gius

Per Catharinæ merita,

Nescire profus omnia :

Corruptionis vulnera .

Laus honor, virtus, gloria,

Deo Patri, & filio:

Sancto simul paraclito,

In sæculornm sæcula. Amen.

ANTIPHONA.

Ve ni spon sa Chri sti acci pe co ro
 nam quam ti bi Do mi nus
 præ pa ra uit in æ ter num .

¶. Ora pro nobis Beata Catharina :

¶. Ut digni efficiamur promissionibus Christi .

Oramus .

DEus, qui dedisti legem Moyfi in summitate montis Synai : & in eodem loco per sanctos Angelos tuos, corpus Beatae Catharinae virginis, & martyris tuae mirabiliter collocasti : præsta quæsumus, ut eius meritis, & intercessione ad montem qui Christus est peruenire valeamus : Per eundem Christum Dominum nostrum . Amen .

Diuinum auxilium maneat semper nobiscum .
 Amen .

Terræ Sanctæ Indulgentias, à Summis Pontificibus olim Sanctè concessas. *Plenariam utpotè, in Augustissimo illo Natiuitatis Christi loco: ad eiusdem Præsepj locum: ac vbi à Magis fuit adoratus: Septem Annorum, totidemq; quadragenarum, ad sepulchrum SS. Innocentum, Sancti Hieronymi oratorium, eiusdemq; monumentum SS. Paulæ, & Eustochij Virginis eius filia, ac S. Eusebij Abbatis, Mausolæa. Cum plenaria sicut habetur in Monte Sinai ad Sanctæ Catharinæ capellam; In hoc exemplari nostro, ad meliorem formam redacto: suis locis assignare, atq; excudi minimè curauimus; eò quod non duntaxat Illæ, omnibus passim luce meridiana innotescant clariores: sed & maiores esse, pia mente credantur; cum ibidem humani generis salutem Christus Dominus operari dignatus sit.*



